

Annalium Philippi Crassuli de rebus Tarentinis

[Page 111]

Nunc primum prodit ex Codice MS Bibliothecae S. Eusebii Monachorum Ordini S. Petri Coelestini Romae. Philippus Princeps Tarenti, et Imperatoris Constantini Vicarius in Tarento, Magnus Franciscus de Loffredo de Neapoli, et quidam Magnus Seripando, et tunc venit Domus Freccia de Neapoli Tarentum, quia erat Magister Rationalis.

Ligorius Zurulus fuit Logotheta et Protho Regni Siciliae. Nicolaus Spinellus legum Doctor Prothonotarius Regis Loysii, et Reginae Joannae.

Huic Philippo servivit quidam Miles de domo de Rogerio de Salerno, quidam medicus de Guindatio de Salerno.

Principes Tarenti infeudabat libere et donabat feuda, et sic Imperium erat in tota terra Hydrunti. Cogita quae vidimus in magno labyrintho subterraneo Tarenti, Domus Capitignana de Tarento sunt anni 300., ex quibus hinc feudat de domo Dominus Roberti: et tempore plures memoriae de domo de Nola, de domo de Ruca, quae est in S. Petro Galatino.

Nobilis antiqua Tarenti Domus Cappella, Domus Muscettola, Manfreda, et Patetarii de Vento multae Scripturae et privilegia servantur in Ecclesia S. Viti de Tarento.[Page 112]

Dominus imperator Philippus contraxit matrimonium cum Domna Maria Sorore Reginae Joannae.

Anno 1352. Venerunt de Ungaria de carcere, ubi per septem annos steterunt Domini Regales Robertus Imperator Romaniae Despotus Princeps Achayae, et Tarenti Philippus frater eius et Dominus Lodovicus de Duracio pro quorum adventu Neapoli, magnae festivitates per Lodovicum et Ioannam Reginam, qui fuerunt capti a Rege quando venit in Regnum ad vindicandum mortem Andreassi fratris, quando fecit mutilare Capite Dominum Carolum de Durachio in Castello Aversae. Rex Ungariae recessit de Regno quando fuit illa magna Mortalitas anno Domini 1348. Anno 1358. Mense Februarii intravit Regnum Compania succederi et maturatii multa mala facientes, et capta fuit per eos civitas Motulae eam ponentes ad saccum magnum et finale exterminium: ipsa Compania postea certo modo devicta et destructa. Dictus Dominus Imperator Robertus olim anno 1359. profecutus fuit Dominum Ioannem Pipinum Palatinum Altamurae comitem Minerbini eius hostem, et dictae Campaniae fautorem, et eum obsidiavit in castro Materae et caepit, ipsumque suspendit per gulam in terra Altamurae in una Turris porta ejusdem terrae cum corona Auripellii in capite.

Dominus Rex Ludovicus de Tarento obiit anno 1362. Mense May Neapoli.

Anno 1380. Mortua fuit Domina Margarita de Tarento Ducissa Andriae soror Regis Ludovici Imperatoris Roberti, et Philippi de Tarento.

Anno 1364. 16. Septembris Neapoli moritur Imperator Robertus superstite eius fratre Imperatore Philippo.

Anno 1367. Mense Septembris debellata fuit Compania Domini Ambrosini de Mediolano vocata de S. Georgio in Casale Pacardi, per gentem Domini Urbani, Papae V., per Gentes Dominae Reginae, et alios Magnates, et Populos Regni, qui sociales tamquam excommunicati haeretici[Page 113]

per os gladii exterminanti suspensi et crudelissimae morti traditi, qua nullus quasi evasit.

Anno 1373. Mentis novembri obiit Dominus Philippus Imperator

et sepultus in Cappella S. Cataldi, quo mense in principio obiit eius uxor nomine Elisabeth Neptis Regis Ungariae, cuius Imperatoris haereditatem apprehendit Domina Regina Joanna.

Regina Joanna propter Rebellionem privavit honore Ducatus et omnibus suis bonis Franciscum de Baucio Andriae Ducem, et ipsum obsideri fecit per Dominum Ludovicum de Agnenio comitem Cupertini, et Dominum Thomasium de S. Severino, qui exulaverunt eum de Regno per plures annos, qui postea reversus fuit, et intravit cum compania Brittorum, qui multa perpetraverunt mala in isto Regno.

Anno 1378. Mense Martii. Creatio Urbani VI. Quia Regina Joanna adhaesit Clementi, multa mala orta fuerunt huic Regno.

His temporibus occisus fuit Archiepiscopus Jacobus Tarentinus in terra Ciptalearii, qui fuit natus de terra Atri, et fuit Anno 1381. 15. Julii.

Anno 1380. Fuit factus Tarenti magnus rumor per Dominum Falconem et Dominum Antonium de Manfredo, et multi alii, et positae ad saccum magnum Domus Domini Antonii Cappelli, Jacobi Tauresani, citti Muscettolae, Gualterii Resdomini, Notarii Guglielmi Tarenuli, et aliorum.

Anno 1381. Carolus III. filius quondam Ludovici de Duratio nonus rex cum maximo bello de castro S. Erasmi de Neapoli potenter descendit, et debellavit Dominum Othonem Ducem Bransuich Theutonicum, Principem Tarenti ipsius Dominae Reginae maritum, et totam eius gentem, et Dominam ipsam obsedit in castro novo. Neapoli ubi obsessam tenuit per plures menses, et nequiter mori fecit.

Anno 1381. 7. Septembris. Fuit elevata bandera in Tarento[Page 114]

Domini Imperatoris Jacobi filii dicti Ducis Andriae, et Dominae Margaritae de Tarento Sororio dicti Domini Imperatoris Philippi, qui favente sibi Domino Raymundo de Bautio de Ursinis totum coepit Principatum, ipseque Dominus fuit ejus Imperialis Vice gerens. Postea Imperator Jacobus fuit personaliter Neapolim ad Dominum regem Carolum, et eidem se praesentavit, et facta fuit parentela, inter eum ex una parte, et Domna Agnetem de Duracio ejus amitam, qua paucis diebus super vivens mortua fuit, et ipse Imperator fugam arripiens, reversus fuit per mare cum Galea Domini Petrini de Grimaldis de Ianua venit Tarentum et in castro non fuit receptus quia tenebatur per ipsius Domini Raymundi Gentem. Ultimo in eum intravit, et ibi vitam suam finivit, et ejus Corpus traditum in sepulcro in Cappella Sancti Cataldi coniunctum Cadaveri sui avunculi dicti Domini Imperatoris. Philippus anno Domini 1383. 7. Julii fuit mortuus.

Tunc intraverat Regnum cum magno exercitu Ludovicus andegavensis veniens in Regnum causa successionis Dominae Reginae facientis ipsum ejus filium adoptivum contra Regem Carolum III. Ipse Ludovicus adductus fuit per comites et Barones suae partis ipsius Caroli Inimicos ad dictam Civitatem Tarenti de Civitate Tricarici, ubi titulum Regium assumsit, et Rex vocari coepit. In qua Civitate Tarenti stetit per aliquot dies ad capiendum castrum, ibique eo capto pedem fixit in anno Domini 1384.

Die 7. Septembris. Intravit Dominus Ludovicus Tarentum cum comitiva multorum Nobilium de Regno. At Rex Carolus Barolum descendit, et bellum offerri fecit Ludovico, et ipse suum paravit exercitum obviam, et fuit usque ad Civitatem Vigiliarum quae Civitas per gentes Ludovici fuit posita ad saccum magnum ipso Domino Ludovico invito, et maxime dolore compuncto, sed ambo Reges retrocesserunt, Rex Carolus Neapolim, Rex Ludovicus Barulum ubi paulo post moritur exaltato Rege Ludovico suo filio primogenito[Page 115]

per partis suae partiales. Mortuus fuit anno 1384. Mense septembris die 22.

Anno 1386. Fuit Eclipsis, et post paucos dies dictus Rex Carolus fuit Occisus in Ungaria quo accesserat; sed fuerunt elevatae banderae filiorum amborum regum mortuorum per partiales, et quilibet dominari incoepit, ex quo Regnum

quasi destructum extitit per gentem armigeram causata magna
carestia, homicidia, disrubationes et praedae factae quae
per linguas humanas narrari non possunt.
Anno 1386. 26. Martii. Mortuus Dominus Antonius
Cappellus de Tarento.
Anno 1387. Mense Martii Mortuus fuit Falco de Falconibus
de Tarento.
Anno 1392. Execellens Dominus Joannes de Lixemburgh
Comes Cupersani tenuit Tarentum Regius Castellanus et
Capitaneus et Vicarius Civitatis ejusdem qui demum moritur
senis Anno 1394. 17. Marty.
Anno 1340. fuit inchoata Ecclesia S. Mariae Annunciatae
extra moenia Civitatis Tarenti tempore Domini Roberti de Ruca.
Infra tempus Captionis Reginae Joannae narrabo eorum Dominorum
mortem qui habuerunt causam et principium guerrarum
Regni.
Domna Joanna Regina, Dux Andegaviae I. Rex Carolus
III., Imperator Jacobus, comes Cupersani maior, comes
Joannes de Luxemburgho, Domna Margarita uxor
ejus, Dominus Americus de Sanseverino, Dominus Franciscus
de S. Severino, Dominus Bernabo ejus filius, Dominus
Ugo de S. Severino, Dux Andriae, comes Montis
alti, Dominus Jannottus de Protho iudice, comes Casertae,
Dominus Joannes de Bellavalle, Dominus Petrus de Corona,
Dominus Otho Dux Bransuich Comes Lytii et Uxor
ejus, Dominus Nicolaus de Marra Miles, Dominus Falco
de Falconibus, Dominus Philippus de Capitineano, Dominus
Antonius Cappellus, Dominus Joannes de Nautolio[Page 116]

comes Nola, Dominus Urbanus Papa, Dominus Bonifacius
Papa, comes Buchini, Pirrhus de Ugot, Dominus
Raymundus Princeps Dux venusii, comes Trojae, comes
Materae ejus pater, Dominus Thomasius de S. Severino,
et plures de eorum genere.
Quomodo Raymundus de Bautyo de Ursinis factus est
Princeps Tarenti. Hic cum erat Ludovicus II adversarius
Regis Ladislai, qui Ladislaus in favore Domini Raymundi
descendit de partibus Terrae laboris et ambo insidiaverunt
dictum regem Ludovicum ponentes obsidionem, videlicet
ipse Ladislaus in Petrulo et ipse Princeps Raymundus in
Monasterio Galeti et tantum permansit in obsidione durantibus
Scaramucciis, et infinitis projectis Ictibus bombardarum
quod Rex Ludovicus cum gente sua gallica se posuit in
tribus magnis navibus seu cocchis catalanorum hic inventis prope
castrum, et fugam arripuit, quasi nihil fecisset; sed per
Patrem et filium tanta fuit expensa pecunia, quod quasi
potuisset emi Regnum praedictum .
Anno 1392. Mense Aprilis die 24. fuit maximum praelium
inter utrosque Reges in S. Petro ad Mucata, ex parte Regis
Ludovici fuit captus Dux Venusii comes Tricarici, et
ibi captus fuit Dominus otho olim Maritus Dominae Reginae,
et comes Albericus, et Dominus Laurentius de Azarolis,
et plures alii Nobiles.
Anno 1398. Rex Ludovicus II. venit e Neap. Tarentum
sub pallio et cum Ramis.
Anno 1399. Comitissa Cupersani et Nepos ejus Pyrrhus
de Luxemburgo amoti fuerunt a Rege civitatis Tarenti,
et fuit ordinatus Castellanus Matthaues de Bellavalle,
et Capitaneus Dominus Jordanus Pandonus de Capua miles.
Et die 3. Martii fuit factus Gubernator Tarenti Dominus
comes Materae et ipse comes posuit suum locum tenentem
Dominus Nicolaum Spinam.
Galea pyratum Lipari caepit Navigium Nicolai de Aloa.
Princeps Raymundus de Bautio posuit suum magnum[Page 117]

Campum in casali Pratelli, et Nicolaus de Pratello Dominus
ipsius casalis dedit se Principi.
Die II. fuit Captus Dominus Jannottus de Maremonte
cum aliis et Captus Dominus Rogerius de Maremonte,
et missus Neritonum.
Dominus Princeps Raymundus posuit Campum in Galetto,
et fuit scaramuzatum cum nostris, et Captus Joannutius
de Cotignano, et liberatus, ac per plures dies fuit
scaramuzatum cum nostris et capti ex utraque parte.
Anno Eodem 8. May Rex Ladislaus applicuit Tarentum

cum exercitu in pertinentiis Tarenti ubi castrametatum est die 9. cum tota sua gente fuit ante Tarentum in S. Margarita, et ibi principavit Dominus Raymundus, et ivit et attendavit apud Petrolisum, et dictum fuit publice quod comes Materae rebellaverat per se seu procuratorem cum homagium fecerat Ladislao: fuit interfectus quidam catalanus balistarius eo die fuit posita Galea in Mari; sed quatuor Galeae et brigantini semper peterunt ad postum. Rex ore proprio propalavit homagium Domini comitis et conquestus de ejus fraude malitia et proditione projecit plures ictus bombardarum intra Urbem, et ponderatus lapis projectus in bombarda magna, et ponderavit Rex 64. et plures ictus proiecti in S. Andraea de Armenis, venerunt tres magnae Naves Domino Regi. Die 4. Martii intus castrum fuit mortuus Dominus Casertae comes, Magnus comestabulus. Rex Ladislaus removit castra de Muro veteri, ivit in partibus Divi Georgii. Dux Venusi dimisso Ludovico adhesit Regi Ladislao in pertinentiis Scanzanae. Dum vellent esse ad pugnam, venit Araldus quod deberet Urbs dari Principi Raymundo et Ladislaus cum tribus Navibus praecessit. Die 18. Junii praefatus Raymundus Princeps fuit receptus apertis Januis. Intravit de mane pro eo comes Nolae Magister Justitiarius Nepos ipsius et castrum non intravit. Die 20. intravit castrum solutis Prothontino VI. M.[Page 118]

aureor et positae ibi banderae S.R.E. Regis Ladislai et ipsius Principis, et in die supra dicto intravit Princeps cum Principissa per portam Braccioli, et ivit ad castrum et ordinatus capitaneus Tarenti Judex Loysius de Nola de Neritone. Princeps fecit in castro ingentem convivium, et die II. Julii Ladislaus intravit Neapolim et factae festae. Eo anno 13. Augusti venit ad Principem Marchesius Cutroni cum galea armata, postea fuit ad partes terrae Hydrunti ad spatiandum. Die 28. Obiit Dominus Joannis Miles Prothontinus de Tarento. Princeps fuit Barium, et inde Neapolim 3. die caeperunt transire alba crusignati sub vocabulo S.Joannis de omnibus terris. Gens armigera Domini Bernabonis de S. Severino caepit guerram movere in comitissu et terris Principis, et venit Marchesius Cutroni in auxilio Principis cum equitibus 500. contra Dominum Barnabonum in terra Hydrunti, et in settimana Sanctae Catharinae fuit magnum praelium inter eos. In Civitate Melphiti ubi erat Princeps fuit captus abbas Joannes filius Domini Antonii de Manfreda. Die 24. Decembris mortuus Robertus Henrici Dominus Roberti de Tarento, et Joannottus de Maramonte. Anno 1400. erat comes Martinae. Dominus Thomasius de S. Severino missus a Rege venit ad concordandum Principem cum Domino Bernabone, et in Sancto Petro ad Galatinum fuit factum inter eos magnum proelium pluries. Dominus Barnabas Sanseverinus erat Dominus Veritoni. In terra Bari erat Dominus Robertus de Sancto Severino contra Principem. Anno 1400. de Mense Julii 22. mortuus morbo glandulae dictus Barnabas et Princeps intravit Neritonum. Cum Comitissa Montis alti venit Cicchus, Britus, et Stephanus de Gaeta. In eo tempore anno 1401. fuit factum bellum prope cupersanum[Page 119]

inter Dominum Malacarnem Albanese, et ibi interfectus fuit Dominus Thomasius de Ayello de Salerno strenus et Valens. Anno 1401. 9. Septembris. Natus est Joannes Anticus Princeps Tarenti, fit mentio de Guglielmo Cappello Henrico Domini Roberti Beringerio de Vento. Anno 1403. Fuerunt brusci, et Mures. Anno 1404. Rex Ladislaus dimisit quamplures Dominos Domorum de S. Severino captivos cum Galeis in mare ad terram Sancti Nosciti, et ibi caepit captivos Ducem Venusii, Dominum Thomasium de Sancto Severino, et post anno sequenti fuit mortuus. Eodem anno per Dominum Raymundum Principem et Soleti Comitem fuit inchoata Turris in Capite Pontis Tarenti.

Anno 1405. Fuit Desponsatio Domini Pyrri de Luxemburg Comitiae Cupersani, et filia quondam Ducis Andriae, et Ducissae sororis ejusdem Principis, in qua festivitate facti fuerunt Milites per ipsum Principem Antonellus de Alanco, et Gabriel de Capitignano, qui Gabriel fecit magnum Convivium.

Eodem anno 1405. Mortuus Tarrosus Buccarellus.

Anno 1406. Mense Ianuarii die B. Antonii mortuus Princeps Raymundus, ejus mors fuit abscondita usque ad primam diem Martii, donec venit ejus uxor de Lycio Tarentum, ubi fuerunt factae exequiae valde pulchrae cum equis armatis, et asportavit duos filios masculos et duas foeminas, et thesaurum in magna copia, et Rex descendit de Neapoli et venit Barolum de mense Martii, et habuit in ejus manibus Castrum Baroli quod tenebatur ex parte dicti Principis per Gurgonem de Gurgone, venit ad civitatem Tarenti Rex Ladislaus cum toto campo, et Castrametatus est prope Ecclesia Sanctae Mariae....

Anno praedicto fuit factum magnum praelium, et fuerunt[Page 120]

de nostris ante Pontem suffocati et uccisi 150. et fuerunt emissi ictus bombardae plures in platea.

Eodem anno veniunt a Sicilia, ad quam ivit Cola de Messana, et Rugerius et venerunt tres Cocchae cum Marchesio Cutroni, et tres Galeae armatae cum Catalanis ad instantiam Principissae, et propter malum modum fuerunt interfecti plures Catalani quando venerunt.

De mense Julii eodem anno Brundusium fuit positum ad Saccum per Franciscum de Ursinis ex parte dictae Provinciae.

Anno 1407. Venit de Sicilia Navis onerata frumento cum litteris Domini Regis Ludovici, qui parat se venturum cum magna armata, et fuit factus capitaneus Civitatis Dominus Gabriel Bisignanus.

De mense Aprilis Rex Ladislaus reversus cum toto exercitu in Civitate Tarenti, et creverunt multa mala in Civitate, quia venerunt tres Galeae armatae cum septem barchis, et septem navibus.

In die Sabathi 23. tractatum fuit matrimonium inter ipsum Regem et Dominam Principissam, et fuerunt elevatae bandierae Regis, et intravit sub pallio Rex in hospitium Marini de Falconibus, et in Castro fuit matrimonium confirmatum per verba de praesenti, et desponsatio in Cappella Sancti Leonardi.

Anno 1412. Die 16. Julii mortuus fuit Dominus Ligorius de Orilia Comes Acerrarum et Regni Siciliae Prothonotarius, et mortua fuit Domina Margareta de Duratio in Civitate Salerni, et factae exequiae in Sancto Laurentio Neapoli Eodem anno facta pax inter Regem Ladislaum et Joannem Papam XXII.

Die 16. Octobris, et eodem die fecit Omagium pro parte Sanctae Romanae Ecclesiae in manu Domini Cardinalis Brancacci, et bannita in Civitate Neapolis, et fuit mandatum per Dominum Regem, quod debeamus credere dicto Papae Joanni. Fit mentio de Domina Margarita de Mendolia, uxore Domini Raymundelli de Bautio.[Page 121]

Mentio Petri filii Nicolai de Pretensino, et Berlingerii filii Judicis Antonii Platearii de Tarento, et Angeli Ruffuli Protopapae de Tarento, et Morgentis de Manfredo, et Falcutii filii Marini de Falconibus de Vigiliis de Tarento, et ipse Falcutius fuit positus in carcere per annos 6 in Civitate Tarenti.

Anno 1413. Rex Ladislaus cum magno exercitu et triumpho intravit Romam cum titulo Imperatoris et expulit de Roma Papam Joannem.

Anno 1414. Fuit positus in carcere Paulus de Ursinis cum aliis in Civitate Perusii per Regem Ladislaum.

Fit mentio Nicolai de Balsiaco et Loysii etiam de Balsiaco de Tarento et Urbani de Carignano et Rugerii de Maramonte, et Falconis de Vigiliis de Tarento et Suevae Messanellae, et Tancredi de Messana Judicis Bacti. De eodem anno mortuus fuit in terra Cryptalearii nobilis vir Robertus Belloctus Dominus Galatulae.

Anno 1413. diruitur Ecclesia Sancti Cataldi; idest una Ala, et fuit incaeptum Campanile dicti Sancti Cataldi, et

fuit reparata dicta Ala.
Fit mentio Florimontis faccipecoris, et Dominae Cubelle
de Vento, et Florum de Messana, et Andreae fornato
de Pulzulo Castri Taranti, et Jacobi Spalati, et Cicci de
Prothontino, et Nicolai Mollis.
Rex Ladislaus vixit in Statu suo annis 28. et mortuus
fuit in Civitate Neapolis anno 1414. die lunae 6. mensis Augusti
anno aetatis suae xxxx.
Fit mentio Cubelli Cubellarii de Brundutio Civis Tarenti
Dominus Loffredus Tomacellus de Neapoli fuit Capitaneus
Tarenti.
Anno 1415. die 8. Januarii mortuus fuit Dominus Bernardus
Zurulus Comes Montis Auri, et Prothonotarius Regni
Siciliae.
Eodem anno fuit factus magnus rumor in Tarento, et fuit
interfectus nequiter Mutius de Cutignano et percussus in[Page 122]

facie Abbas Joannes de Manfredo, et multi alii expulsi de
Civitate videlicet Robertus de Catigno Abbas Rubanus, et
Ciccus de Catignano, Abbas Angelus de Catignano, Georgius
de Mandorno, Guala Marrensis et Loysius, ejus filius,
Abbas Joannes de Manfredo.
Eodem anno 9. Septembris. Venit Manfredoniam Dominus
Jacobus de Borbona Princeps Tarenti, et Maritus Dominae
Reginae Joannae Secundae, et applicuit Neapolim cum magno
honore de mense Septembri, et fecit mutilari capite
Pandulphellum Comitem Camerarium Regni Siciliae, et
postea fecit eum suspendi.
Quatuor qui suffocaverunt Principem Joannem Antonium
uno di casa Ayello, uno di casa Protonobilissimo uno
di casa Petrorolo, uno di casa Guidano, fecerunt duo tamen
Guidanus, et Ayellus; sed coeteri alii consensierunt.
Inscriptio Graeca.
Exedificavit Communem, ac Sanctam habitationem Setosius
juvans Episcopus Domini Nostri Jesu Christi, simul
concurrens cum Fratre, nomine Negros; ibi postea amisso
eo, Sacrum dico Monasterium pertinens Monacis Sancti
Viti de ultimo, sive extremo Capitis asperi inferius
patentis, ut suam innatam exerceret pietatem. Anno Domini
Nostri Jesu Christi 1132.
Epitaphium Jacobi Principis.
Hoc sum Andrea Dux Franciscus Bancia Proles
Extruxit templum Iacobi tegit ossa Tarenti
Principis, huic Mater Caroli de stirpe Secundi
Imperii titulis, et Bauci sanguine clari.
Hic Romandiola, et Dispotus Achajus Urbes
Subjecit Bello.
Carlo II. fe Filippo I Imperatore. Da Filippo nacque
Roberto, e Filippo II. fratelli Imperatori di Costantinopoli[Page 123]

e Principi di Taranto. Dalla figlia del primo Filippo
nacque Giacomo del Balzo Imperatore, e Principe.
Jacobus fuit anno 1381. Regnavit ad duos annos in Principatu.
Anno 1117. erat quaedam parva Ecclesia sub Sancti Viti
nomine donata tribus Monacis Graecis pro facienda Abbatia
Graeca Sancti Basilii. Fuit aucta a dictis tribus eelemosinis,
et maxime a Costantia Matre Secundi Boamundi
Principis Antiochiae, quae fuit filia Regis Franciae. Sed
Monasterium habuit Salinas in permutatione cujusdem feudi
a Rege Manfredo, et fuit auctum et donatum a Carolo
II., et Rege Roberto, et aliis Principibus Tarenti.
Anno 1370. Erat Joannes Frezzia de Ravello Miles Juris
Civilis professor, Magnae Reginalis Curiae Magister
Rationalis Prothonotarius, et Consiliarus Philippi Imperatoris
Tarenti.
Ligorius Zurulus Miles Prothonotarius regni Siciliae et
Logotheta anno 1370.
Anno 1386. Erat Jacobus de Marzano comes Squillaci,
et Regni Siciliae Admiratus.
Ex pervetusto, et Manuscripto Codice in Pergam.
Anno Domini 1359. Die Lunae 3. Julii. XII. Indictione
incaepi regere Scholas in Grammaticalibus ego Thomasius
a Sancto Benedicto de Suessa, et legi doctrinales tractatus Logicales,
summam septenam praesentivam, Catonem, et Boethium
illis scholaribus quos habui, et recepi a quolibus mensatim

grana decem et fuerunt ipsi scholares numero 60. et paulo plures.

Anno Dominus 1359. die 14. May Indictione XII. Incaepi ego Thomasius audire librum de generatione et corruptione a Lectore Sancti Honufrii et solui pro uno Mense grana decem.[Page 124]

Anno Domini 1362. die. Mercurii 25. Kalendas Maii in Vigilia Ascensionis Domini, quasi hora mediae noctis excellentissimus Princeps et Regni Siciliae Rex Ludovicus extitit vita functus, et eadem Nocte Domina Nostra Regina Joanna mandavit extrahi corpus ejus, et apponens in S. Petro ad Castellum juxta castrum novum, ubi suum diem clausit extremum propter metum Domini Philippi de Tarento fratris ipsius Domini Regis, et cognati praedictae Dominae Reginae, quoniam post mortem ipsius Dominae Reginae spectabat Regnum ad praedictum Dominum ex parte Dominae Mariae sororis suae. Et die Lunae V. Junii anno Incarnationis et Indictionis praedictarum fecere consilium magnum quo congregati fuerunt omnes Domini istius Regni, et Praelati tres excepto Domino Joannotto de Standardo, et Domino Roberto de Marzano, et Regina sedebat in solio, et Dominus Napolionus fecit sermonem ad Dominos et Archiepiscopus de Neapoli ad cleros, et de Morte ejus facta est corruptio magna per Regnum totum, cujus anima Requiescat in pace. Anno Domini 1359. Regnantibus Dominis nostris Domino Ludovico Rege, et Domina Regina Joanna Dei Gratia Regibus Siciliae, et Hyerusalem, Principatus Capuae. Die V. 5. Julii ejusdem anni Indictione XII. Ego Thomasius de Loffredo, inhibui ac defensa imposui Magistro Capuano de assis fabricanti in dominibus Notarii Joannis Vivaie, ac trabes in astrico suo juxta domas meas ponenti pro eo videlicet quod praedictus Magister Capuanus perforare incaeperat parietem meum, qui paries est juxta praedictas domos Notarii praedicti cum praedictus paries sit totaliter meus, quoniam ipsi parieti adheret quid. Arcus constructa in dictis dominibus ipsius Notarii. Et insuper sunt super praedictis domos dicti Notarii Joannis fenestrae quamplures, et quod plus est, est etiam quodam Gaiphum pendens in ipsas domos, quod Gaiphum est similiter supra ipsum arcum constructum per Agneum Patrem dicti Notarii Joannis, quando dictus Agneus facere voluit in ipso astraco pergulam, non potuit se adhaere[Page 125]

praefato parieti meo, nec causa mittendi ibi trabes nec aliquid aliud assumere potuit, quod apparet ibi evidenter; nec ibi iuxta pactum parietem meum est quaedam costa subsistens ac tenens omnia lignamina et trabes necessarias ipsi publicae pergulae, et per consequens fuisse tantae auctoritatis, quod nos fuimus in Curia Domini Ammirati, ubi invenimus tot discretos viros Dominum Argentium jurium civilium Professorem, Dominum Leonardum de Aspello, et Judicem Joannem de Basilea, et sententiam dederunt plenariam quod non praedictus Notarius adhaerere se possit, et hoc similiter a magistris fabricatoribus, viso scilicet a magistro Jacobo de fatis et a quam pluribus. Nota quod Ovidius Maximus Poetarum ortum habuit a quadam provincia que nomine vocatur Cartagena, et corpus ejus in media strate qua itur a Terracina Romam, et ista Provincia Modicum dicta a Troia majori summum quod Lucanus ait.
F I N I S.